
Cynulliad Cenedlaethol Cymru
Y Pwyllgor Cyfrifon Cyhoeddus

National Assembly for Wales
Public Accounts Committee

Shan Morgan
Ysgrifennydd Parhaol
Llywodraeth Cymru

20 Tachwedd 2019

Annwyl Shan

Ym mis Medi 2019, cyhoeddodd yr Archwilydd Cyffredinol gyfres o allbynnau diddorol o'i waith yn trafod llesiant pobl ifanc. Nid yw'r Pwyllgor Cyfrifon Cyhoeddus wedi trafod yr adroddiadau yn ffurfiol eto, a bydd yn ystyried y ffordd orau i fwrw ymlaen ag unrhyw waith craffu pellach ochr yn ochr ag unrhyw ddiddordeb yn y materion hyn gan y Pwyllgor Plant, Pobl Ifanc ac Addysg.

Rwy'n cydnabod bod yr Archwilydd Cyffredinol wedi mabwysiadu dull gwahanol o gyflwyno allbynnau'r adroddiadau hyn ac nad oeddent yn cynnwys argymhellion ffurfiol penodol i Lywodraeth Cymru ymateb iddynt. Serch hynny, byddem yn croesawu ymateb gan Lywodraeth Cymru i gefnogi ein proses ni o wneud penderfyniadau. Yn benodol, rydym yn gofyn am fanylion ynghylch sut mae Llywodraeth Cymru yn ystyried y gwahanol faterion a godwyd gan adroddiad cryno yr Archwilydd Cyffredinol fel rhan o'r gwaith parhaus i gryfhau ei brosesau cyffredinol ar gyfer gwneud a chyflawni polisiau. Gall hyn fod ar gyfer gwasanaethau sy'n effeithio ar bobl ifanc neu'n fwy cyffredinol ac yng nghydestun ehangach y ffyrdd o weithio a ddisgwylir o dan Ddeddf Llesiant Cenedlaethau'r Dyfodol (Cymru) 2015. Gofynnwn hefyd am fanylion ynghylch sut mae'r timau polisi sy'n gyfrifol am y pum maes penodol a gwmpesir gan adroddiadau'r Archwilydd Cyffredinol yn ystyried ac yn ymateb i'r 'cyfleoedd ar gyfer gwelliant' a amlygwyd ym mhob achos.



Cynulliad Cenedlaethol Cymru
Bae Caerdydd, Caerdydd, CF99 1NA
SeneddArchwilio@cynulliad.cymru
www.cynulliad.cymru/SeneddArchwilio
0300 200 6565

National Assembly for Wales
Cardiff Bay, Cardiff, CF99 1NA
SeneddPAC@assembly.wales
www.assembly.wales/SeneddPAC
0300 200 6565

Byddem yn ddiolchgar pe baech yn ymateb erbyn toriad y Nadolig fel y gall y Pwyllgor ystyried hyn yn bwysig ar ôl dychwelyd yn y flwyddyn newydd.

Yn gywir,

A handwritten signature in black ink that reads "Nick Ramsay". The signature is fluid and cursive, with a long horizontal flourish extending from the end of the name.

Nick Ramsay AC

Cadeirydd

